

113721 kal.komp.


^I
Historia Scholarum
Mag. St. Dr.

Paedag: 736.

Uradislaviense gymnas. Elisabet.

Fechneri Joh. Poculum Circæum vo-
luptatis.

1647.



C. D.

POCULUM CIRCAEUM
VOLUPTATIS,

QVOD OLIM ULYSSIS COMITES,
UT IN FABULIS HABETUR,
COMMUTAVIT IN
PORCOS;

IN GYMNASIO ELISABETANO

A. D. XVII. JANUARI
HORIS AB VIII. ANTEMERID.

EX LIB. XIV. METAMORPH.

OVIDI
PROFERENDUM,

ET NONNULLIS DECLAMATIONIBUS
JUVENTUTI SCHOLASTICÆ
PROHIBENDUM,

CURANTE

M. JOHANNE FECHNERO

FREISTAD.



BRESLÆ,

TYPIS BAUMANNIANIS,

ANNO A PARTU VIRGINIS

CL^o MDCLXVII.



LECTORI BENEVOLO
GAUDERE ET BENE REM GERERE.



uod benè sit; melior nos ætheris Hora
revisit,

Conversi postquam metator temporis
Annum.

Exegit Veterem Janus, foribusq; reclusis
Jam prodire Novum jusfit plaudentibus astris,
Mutatur cœli facies. Rota publica lucis
Curtum nuper iter brevior volumine pressit,
Et Sol Austrorum statione moratus in imâ
Arctoas crepero despexit lumine terras.

Nunc attrita dies reparat dispendia lucis,
Siqu; parum crevit, debet crevisse videri.
Nocturnus contra spaciosas contrahit umbras
Acclini cedens Phœbo, qui carcere Capri
Emisit reduces verso temone caballos,
Etnitidæ Phrygiæ Ganymedis proximus urnæ
Per bis sex gestit simulacra redire ferarum.

Has natura vices instaurat gnava quotannis,
Spectandamq; novo toties se schemate præstat.

Jam

113721

L. br.



Jàm villosa capit deformis syrmata Brumæ,
Algidulasq; jubet matres accedere ad auras
Fornacis calidas, ac pellerè pelle ferinâ
Infestum Borean, & querquera frigora Cauri.

Mox posito squalore novo cum Vere per agros
Fert tunicata pedes, & florum pingit elenchis
Hortos, & silvas strophio frondente revincit.

Post succincta legit Cerealia munera fruges
Vescas, quas coxit maturis solibus Æstas.

Inde stolata subit Pomonæ septa benignæ,
Carpat ut Autumni dotes, quas porrigit arbor
Pronâ fronde. Dehinc altè cinctuta Lyæi
Vitigenum laticem calcatis exprimit uvis,
Præbabit & paterâ mustum spumante. Laboris
Anniculi tandem fit pausa Novembribus horis:
Tunc latet & niveo præmunit vellere terram.

Sic alia atq; alia species est labilis Anni,
Exuvias senii veteres qui ponere gaudet,
Et nitet abjectâ velut hydra leberide quondam,
Cum caput attollit vernalia prata pererrans.

Sed quamvis renovet formam Natura quotannis,
Induviasq; suas Æther & Terra recentent:
Solutus homo tamen antiquos non ponit amictus;
Sed suus usq; manet coopertus pelle vetustâ,
Nec vitiiis curat maculosis figere metam.

Si faciem videas, humana figura polito
Emicat è vultu: Personam deme, prehendes

Intus fallacem vapido sub pectore vulpem,
Nulla fides fronti. Cynicâ lustrare lucernâ
Interiora decet, mentisq; penitral opertæ
Scrutandum, ut noscas cœco latitare sub antro,
Monstrum informe, cui lumen rationis ademtum,
Urbs quævis scena est, ubi mimus spectat agitq;,
Humanâ qui te specie deludit & umbrâ.
Difficile est homines caveam reperire per arctam,
Qua sedet ancipitis fex confertissima plebis.
Assidet hîc multus, ceu frugi civis; At idem
Est numerus tantum, & fruges consumere natus,
Qui pecus ut tacitum vitam traducit inertem.

Hinc si deflectas oculos, podiumq; pererres,
Grande supercilium cujusdam, & abolla refulgens
Promittunt pectusq; catum cautumq; Catonem;
Ast hunc si penitus spectes est Porcius excors.

Linque theatralis jàm miscellanea ludi,
Et mecum pagos & compita publica vîse.
En ibi quot Brutipassim veriq; feriq;?

Itur in antiquam vaga per divortia silvam,
Et ructat veteres tam vir, quàm fœmina glandes,
Ut credas homines è duro robore natos,
Aut asvè factos obscœnis à sue factos.

Ex quo nos urget belli furialis Enyo
Trux autor, gremium scelerata licentia totum
Pandit, & excludit tot monstra subinde malorum,
Arida quot non dat Libye portenta ferarum,

Ecquan-

Ecquando uberior pœnarum copia? Quænam
Macta tot & tantis claratur stragibus ætas?

Ira DEI vindex Germanæ immittit Arenæ
Immanes Apros, rapido qui dente frequentant
Innumeras clades, quales non sus Erymanthi
Intulit, Alcida quem stravit clava domitrix.
Amphitheatrales dices crudefcere pugnas,
Aut fervere trucidis discrimina sæva Dianæ,
In quæis monstra suum Meleagri collocat hasta,
In quæis & Marti & Diti cadit hostia multa.

Sed jam Sigalion secretam gannit in aurem:
Parce fricare feros dictis mordacibus Apros,
Ne dentes acuant in te. Vis improba fictos
Contemnit Scauros, & castigata ferocit.

Parendum certè est: Nam præstat Pythagoræum
Hic fieri, & pennas volucris præcidere voci.

Verum cum grave sit pravos non tangere mores,
Et nunquam vitiis genuinum infigere tetrus;
Apros ut mittam, non possum mittere Porcos.

Nimirum experiar, quid concedatur in illos,
Qui simulant Curios, & Asoti cætera vivunt.
Ergò dum salvis licet egrediamur Arenâ,
Et lustremus Haras, Epicurus quas amat udus.

Circe, ceu retulit nobis cordata vetustas,
Miscuit hospitibus dulci medicata veneno
Pocula, quæ simul ac traxerunt fauce supinâ
Monstrificâ crines demulsi verbere virgæ,

Protenus humanas visi sunt perdere formas,
Ac Bruta in terram verso procumbere vultu.

Hic Leo nuper-homo deformem pādit hiatum,
Et terret frustra fremebundo claustra rugitu.

Iste Lupus sortem multum indignatus iniquam.

Infelix ululat; nec vocem verba sequuntur.

Horrissonam, infanti quæ secum versat in ore.

Ille Canis Circe dicturus non bona verba.

Infidæ rictu latratus vibrat inertî.

Mox metuens baculi caudam jactare minantî

Incipit invitam fractâ jam blandior irâ.

Hæc etiam passi monstra experientis Ulyssis

Sunt Comites, Græco si quicquam credis Homero.

Nam cum Circeæ subiissent limina sedis,

Cyclopis crudi quæ multò sævior antro;

Et sacra porrecti libassent pharmaca vini,

Mirantur magicâ contacti tempora virgâ

Leniter horrentes per corpora surgere setas;

Miratur bibulum grunnire Elpenora porcos

Inter Dulichios Circen aggressus Ulysses;

Quem nisi servasset sumturum dulce venenum.

Moly salutiferum, quod præbuit obvius Hermes,

Ipse suum verres auxisset setiger agmen.

Tolle Poetarum nebulas: Damnosa Voluptas

Hæc illa est Circe, quæ mustea pocla propinat,

Ebria quæis Cypris, comisfatorq; Lyæus

Cæcas admiscent vires, pestemq; latentem.

Quisquis

Quisquis amas sanam servare in corpore men-
Hæc fuge Luxuriæ pellacis cymbia blanda. (tem,
Nec te decipiat color, aut odor, aut sapor: acre
Ecce viris virus specioso vitrea Circe
Præbuit in vitro, fibras quod serpit in omnes
Protenus, & circum præcordia concita sævit.

Hos etenim latices avido qui eduxerit ore,
Et semel atq; iterum svaes repetiverit haustus;
Combibit ille simul totâ jam mente furorem,
Ac stupet in sano percussus pectora thyrso.
Mersa jacer ratio: Bacchi Venerisq; catasta
Clausus nuper-homo spurcus procumbit humi Sus,
Dejectum pecus in ventrem pastumq; perennem.

I nunc, & clamadelpinum appingere filvis,
Et pravè adversâ contraria jungere fronte.
Mœonium vatem, Porcos quod fecit inertes
Remigio è bibulo lentè redeuntis Ulyssis.

Adspice potorem sodes Elpenora, totum
Qui sitit œnophorum, crebrisq; trientibus instat
Invergens in se vinum cervice supinâ;
Nec cessat socios magnis urgere culullis,
Et torquere mero, donec spumante refundant
Ore gravem Bacchum, aut vino somnoq; sepultos
Efferrî jubeat victor, qui victus & ipse,
Ac madidè madidus stellâ surgente diurnâ
Surgit, & incedens fusi per damna Falerni
In terram [tax] procidit ebrius, & jacet offa

In fœda, per quam revolutus molle quiescit.

Dic jam, quale pecus tibi talis lurco videtur?

Nonne tibi Porcus verusq; merusq; videtur?

Nunc age, ne vapido nobis spurcetur odore

Nasus, symposium linquamus Harasq; bibonum,

Et, si prolubium est, lauti triclinia Comi

Invisamus, ubi resplendet Apicia mensa,

Quæsitæq; dapes elementa per omnia fulgent,

En sedet Alcinous benè curatâ cute Phæax,

Quid primum capiat dubius. Sic ille refertas

Arctavit patinas, stringatur ut ingluie res

Parta patri quondam, & rapidam condatur in alvum.

Ostrea jam mordet peregrino littore capta,

Jam lacerat mullum piperato jure natantem,

Jam leporis pulpam, jam clunes lancinat apri,

Perdiciq; latus discindit; dum gula sævit.

Tandem sic fartus congestas respuit escas,

Et ructat pisces precio majore redemptos,

Quam Cincinnati duo jugera Dictatoris.

Hunc igitur laudet Dominum nitidumq; licebit

Plebs sua: Nam pleno sapiunt qui pectore, censent

Esse Suem, qualem jam plena sagina culinæ

Destinat addictum cædi cultrisq; poparum.

Andubitas? Ventrem domuum agrorumq; capacem

Cerne, & aqualiculum propèso abdomine pingvem;

Et dices: Hic est Epicuri de grege Porcus.

Post Porcum jam nunc, nisi nevis, Laida Porcam

Ibimus

Ibimus inspectum, Specioso frontis Elencho
Pellicit hæc captam subridens dulce juventam.

Pompa ostentatrix quoties procedere gaudet,
Effulget facies foliato tincta nitenti,
Et tener incensus vestigia cyclade verrit
Attalicâ, tortisq; caput cumulatur in altum.
Cirris, quos auro gemma intertexta recingit,
Augent splendorem redimicula, fascia, peplum,
Fibula, flammeolum, strophium, diadema, monile.
Nec Venus ipsa venusta satis præ Laide pulcrâ,
Ut meritò procerum credatur publica cura.

Nam quid te fingis, mulier? Quid pingis? Ami-
Scilicet ut placeas, limis qui libat ocellis (co
Te dudum cupidus, repetito & saucius ictu,
Et nictu blandi vultus, & voce procanti.
Jamq; in fermento jacet, & te pendet ab unâ,
Jam pudor excedit velatus, peccat & illud
Lais, quod clauso peccat sub fornice lena,
A quo lux oculos avertit publica testes.
Sic procus & porcus parvo discrimine distant,
Scrofaq; sic facta est cœno demersa profundo
Lais, quæ lautam fingebat inante Dianam.

Hæc igitur vitent juvenes conchyliâ, vitent
Circæi potus mustum, mistumq; veneno
Luxuriæ villum; nisi malunt perdere mentem,
Et fœdos augere Sues Ithacensis Ulyssis.

Difficile est, fateor, lepidis indicere bellum.

Deliciis. Pubes in molli lubrica flore
Ætatis dextro virtutis calle relicto
Non rarò lævas Circes deflectit ad ædes,
Ac turbæ bacchantis haras: & svaviter illic
Interit. Euhodius sed si revocaverit Hermes
Errantem, si Moly sacrum commonstret eunti;
Tum nil præstigix Circes, cantusq; nocebunt.
Damna Voluptatis notâ jàm callidus arte
Præcavet, ac pestem jucundam vitat Ulysſes.

Hoc nos Mercurii monitoris Moly salubre
Cras, ita dante DEO, publi monstrare paramus:
Scilicet ut spreto vitiorum tramite lævo
Per virtutis iter gressu procedat alacri,
Pythagoræ dextro quò tendit littera cornu.
Nil etenim melius poterit præstare juventæ
Formator fidus, quam si repleverit aures
Fruge Cleantheâ, quæ mores nutrit honestos,
Et segetem vitiorum in primâ interficit herbâ.

At Vos, ô Patres Patriæ, quos Curia Breslæ
Experta est Curios consummatosq; Catones,
Quos Mecœnates laudat grex Muficus almos;
Vos, gentis priscæ quos splendida cera celebrat;
Vos, sacra Theiologæ quos clarat Svada cathedræ;
Vos, consulta Themis merito quos anget honore;
Vos, sospes populo quos cura probavit Hygææ;
Vos tandem, Pallas quos ingeniosa per artes
Deduxit varias, doctisq; innutrit undis

Clio,

Clio, quos Virtus sibi scripsit in æde Monetæ;
Vos, inquam, auditum vocat officiosa papyrus,
Et satagit Vobis solitum exorare favorem.

Annuite studiis juvenum tenuiq; labori;
Et, si quam Vobis graviora negocia pausam.
Indulgent, scholicos invisite, quæso, penates,
Ut recreet timidas præsentia vestra Camenas,
Et residi vires addat calcarq; juventæ.

Sed præce quid blandâ Vos palpo? Faventia.
His ultrò plaudens surrecto pollice ludis (promta
Nunquam Pieridum studiis se defore spondet.

Par hostimentum non expectatis, opinor:
Obsequiosa satis, satis officiosa voluntas
Pro tanto est Vobis studio. Quod possumus unum,
Solenni voto numen cœleste precamur,
Ut fortunatus Vobis hic defluat Annus,
Et referat Pacem, quam dudum poscimus omnes.

P. P. xvi. Januari.

Series

SERIES

RERUM ET PERSONARUM.



Audientur hoc in Actu

1. Prologus, Benevolentiam Auditorum conciliaturus, Rudolphus Sebodff.
2. Narratores recitantur
 - { Fabulam de Circe { Johannes - Joachimus ab Mannoib.
 - { ex lib. 14. Metam., { Marthæus Nicod Vratislaviensis.
 - { Ovidi. { Daniel Sand Vratislaviensis.
 - { Summam Fabule ejusdem { Applicatam, Christophorus Geymwalb.
 - { Generali, de Voluptate { Absolutè, Johannes Justus Vratisl.
 - { Specialibus, de { Comparatè, quatenus homines commu-
 - { Viriis { { tat in Porcos, Johannes-Henricus
 - { { Nicolph Budislinus.
 - { { Gulà & Comissionibus Daniel Francke Vrat.
 - { { Ebrietate & Comotationibus Christianus Ti-
 - { { Lascivia & Amationibus, Johannes Hillin-
 - { { rius Javoran? (ger. Aurimont.
 - { { Angelomontanus.
 - { { Virtute, Prudenti Moderatione in fruendis rebus jucundis Daniel Vogelius
3. Declamatores dicturi in
 - { Porsâ Germaniâ de dictis Viriis conjunctim, Carolus Orlobius Olisnens.
4. Epilogus, pro benevolâ assentatione Auditoribus gratias acturus, Andreas Seichter Vratisl.

Biblioteka Jagiellońska



sidr0009996

